

350
42
部2048

第四十八册

卷七十七

藝文考七

卷七十八

藝文考八

新纂雲南通志

盧漢題

簽



新纂雲南通志卷七十七目錄

藝文考七

滇人著述之書七

集部四

別集類四

新纂雲南通志卷七十七

藝文考七

滇人著述之書七

集部四

別集類四

紅茗山房詩存十卷

清嚴烺撰烺字存吾號匡山宜良人嘉慶丙辰進士改庶吉士官至甘肅布政使是書前有江陰王蘇三韓馬慧裕序及自序存詩自乾隆丙午至嘉慶甲戌慧裕謂其貴不忘貧又仕不廢學其所爲詩一皆本於優柔平中樂愷和易養之深而積之厚滇詩嗣音集錄十二首收入雲南叢書

新纂雲南通志

卷七十七

藝文考七

滇人著述之書七

一

退思齋學吟

清劉玉湛撰玉湛字露亭蒙化人嘉慶丙辰進士官至刑部員外郎道光志已著錄滇詩嗣音集錄八首

溫泉草堂集

清傅綬撰綬安寧人嘉慶己未進士官編修光緒志已著錄

雪笠山房騰稿六卷

清張註我撰註我字我經號舸園昆明人嘉慶庚申舉人道光志已著錄滇詩略錄八十四首彌勒樂恆云舸園胸襟曠達而操守狷介生平知己數人外不妄交與肄業北學時法時帆先生爲大司成重其詩文屢招之談甚洽而舸園終落落未嘗有一請託事即此已見梗概乙卯將以其詩稿付梓致書謀於余余心許之力



未及也辛酉以春官試同入都舸園病余力持之不能起猶諄諄
以此事相屬今檢校諸詩覺丰采照人而遂已成終古悲夫正定
王定柱評云元揭曼碩評范德機詩云如秋空行雲晴雷卷雨縱
橫變化出入無朕又如空山道者辟穀學仙瘦骨峻嶒神氣自若
又如豪鷹掠野獨鶴叫羣四顧無人一碧萬里觀舸園諸作差堪
髣髴者竟有什之六七識者當不以爲諛言

曉園詩文集二卷

清楊元升撰元升號曉園易門人嘉慶庚申舉人官新平縣教諭
道光志已著錄元升檀萃弟子萃註夏小正元升與開化萬重箕
有考質附於後

夏鎮奎詩集一卷

清夏鎮奎撰鎮奎南寧人文廣子嘉慶辛酉副貢生官至知州道

光志已著錄

還雲吟草

清吳毓寶撰毓寶字曉船昆明人嘉慶辛酉進士改庶吉士官武
清縣知縣滇詩嗣音集錄十七首

使車餘草一卷

清倪琇撰琇字尚瑩號竹泉昆明人嘉慶辛酉進士官至福建興
泉永道道光志著錄名小清閼閣詩稿考倪玠有小清閼閣詩鈔

道光志恐誤

漢村文集夢草軒詩鈔

清趙棠撰棠字惠南南寧人嘉慶辛酉進士道光志已著錄滇詩

嗣音集錄一首

望鶴亭詩草四卷

清楊臣俊撰臣俊字萃亭蒙化人嘉慶辛酉舉人是書原有張辰照序其孫於咸豐間乞黃琮序之光緒間又乞羅瑞圖陳榮昌朱庭珍侯渭珍並序之內分萃亭稿時庵稿竹樓稿

喜聞過齋全集十三卷

清李文耕撰文耕見前子部儒家類有孝弟錄是書有受業楊勳男德蕙編次廬陵王贈芳參訂孫嗣武允武等校字前有贈芳建水廖敦行博白朱慶椿序後附贈芳撰行狀山東劉鴻鵠撰墓表卷一二三雜著卷四尺牘卷五序跋記卷六山左文移札稿卷七黔中文移札稿卷八孝子傳卷九善善錄卷十見聞筆略卷十一

行述壙記卷十二詩卷十三家訓勳跋云先生生平務實勝不爲浮華之文其見於筆楮者皆爲入道者示之的佐治者揭其要又云生平所言無非生平所行觀其言無異觀其行也原刻版光緒間昆明陳榮昌購得易其朽敗者十有九修其字漫漶不可識者萬有餘千於是十三卷悉還其舊藏經正書院並加序於前道光志著錄善善錄孝弟錄各一卷而不知其全集滇詩嗣音集錄二首

覺莊賸稿一卷

清趙蘧撰蘧字幼瑗號覺莊晉寧人嘉慶壬戌進士改庶吉士官知縣道光志已著錄蘧以翰林改官知縣客死濟南太守張鵬昇官廨趙州師範爲之哀輯刊行晉寧州志錄三首滇南詩選錄四

首演詩嗣音集錄二首蔭椿書屋詩話謂覺莊總角時即與家素人唱和後則每變而愈工方夢亭張溟洲何魯崖皆奉爲畏友采咏鶴八律四聯華山精舍謁玉峯少宰畫象二絕云嘗鼎一臠亦可知味

玉溪詩集

清左章照撰章照字光霽號容齋蒙化人嘉慶壬戌進士官麗江府教授道光志已著錄演詩嗣音集錄一首

臥遊草壙禪集

清羅覲恩撰覲恩字汝勤號琴山石屏人以歲貢生舉嘉慶元年孝廉方正覲恩詩與趙州龔錫瑞齊名同見賞於學使秀水汪如洋如洋有龔羅二生詩序謂覲恩詩清妙微婉殆宗法韋孟而浸

淫於漢魏者道光志已著錄

夜餘詩草五卷

清劉士珍撰士珍字春帆建水人嘉慶甲子舉人官香河縣知縣是書卷一五古卷二七古卷三五律卷四七律卷五七絕士珍詩演詩嗣音集錄三十一首此鈔本中俱有而小傳云有知不足齋詩鈔未云夜餘詩草不知士珍以何爲定名

百蠻圖贊

清劉士珍撰士珍見前條是書道光志已著錄

雲癡詩集

清張序撰序字鸞階趙州人嘉慶甲子舉人道光志已著錄演詩嗣音集錄二十首

斂齋詩稿

清方檢撰檢字斂齋晉寧人學周子嘉慶間貢生晉寧詩徵錄七首

四不可齋文集

清楊昌撰昌字東陽麗江人嘉慶丁卯舉人官潛江縣知縣光緒志已著錄麗郡文徵錄二十八篇

嶰谷詩鈔六卷

清楊載彤撰載彤字嶰谷太和人嘉慶丁卯副貢官馬龍州學正光緒志已著錄

說經精舍詩文集

清楊本濬撰本濬字巨源南寧人嘉慶戊辰進士官直隸南路同

知

蟲吟草

清艾濂撰濂字玉溪鄧川人嘉慶戊辰進士官寧國縣知縣道光志已著錄

矩堂詩集

清劉榮黼撰榮黼字春舫一字矩堂大姚人嘉慶戊辰進士改庶吉士歷官貴州知府榮黼詩意旨遙深筆力蒼老古近體皆佳詩凡一百二十一首

二南詩鈔

清唐麟撰麟字二南晉寧人嘉慶戊辰舉人官雞澤縣知縣晉寧州志錄六首滇詩嗣音集錄一首

彩虹山房詩鈔三卷詩餘二卷

清謝瓊撰瓊字石臞昆明人嘉慶戊辰舉人官祿勸縣教諭光緒志已著錄共三卷卷上五七古卷中五律卷下七律道光丁酉鐫又詩餘上下兩卷亦同年所刻滇詩嗣音集錄詩二十四首滇詞叢錄錄詞三十首

小清閣閣詩鈔一卷

清倪玠撰玠字輝山昆明人嘉慶己巳進士官江山縣知縣是書前有湯鵬戴綱孫序鵬稱其旨油油乎其平其音藹藹乎其和滇詩嗣音集錄一首收入雲南叢書

紅茗山房詩鈔

清武次詔撰次詔建水人嘉慶己巳進士官玉山縣知縣光緒志

新纂雲南通志

卷七十七

藝文考七

滇人著述之書七

六

已著錄滇詩嗣音集錄一首

浣花詩鈔

清杜薇之撰薇之字浣花昆明人嘉慶己巳進士官至榆林府知府是書道光志已著錄滇詩嗣音集錄二十一首

自愛室文鈔

清胡天培撰天培字雲樓廣通人嘉慶庚午舉人是書天培宰滑縣時所作滇志載天培移官滑縣當兵燹後有撫流亡修城池興學校捐膏火等事書中或記忠義或記修建皆關滑縣歷史中州門人李金編輯前有星江查汝元受業李金耿蔚宗序道光己丑刻

紅葉樓詩集彊恕齋詩存

清丁運泰撰運泰字葆堂石屏人嘉慶辛未進士歷官戶部主事沂州府知府運泰詩骨格整峻運事亦工滇詩嗣音集錄二十二首光緒志已著錄

藍尾軒詩稿四卷

清王毓麟撰毓麟字玉海晚號匏生嘉慶庚午舉人是書前有戴綱孫撰王匏生孝廉李即園明經傳綱孫稱其詩月鍛季鍊融冶功深古今體五七言高者不減王韋次亦在大歷十子間滇詩嗣音集錄三十四首道光志著錄無卷數收入雲南叢書

玉案山房詩稿

清尹尙廉撰尙廉字高安號退谷昆明人嘉慶癸酉舉人道光志已著錄是書初爲李文耕謝瓊所選刻前有文耕瓊序及尙廉自

序收入雲南叢書

廉泉詩鈔

清范仕義撰仕義字質爲號廉泉保山人嘉慶甲戌進士官如臯縣知縣是書存詩自嘉慶癸酉至道光庚子爲起止陳溶編次前有魏茂林戴綱孫徐珠序後有吳鎧陳溶跋道光壬寅刻之金陵鎧稱其古文駢體文皆眞摯博雅惜不傳滇詩重光集錄詩一百八十一首光緒志已著錄

尤雅堂草醒花雜詠

清張星燄撰星燄字明也號東壁趙州人嘉慶間諸生道光志已著錄光雅趙州志作尤雅雜韻作雜詠通志疑誤趙州志錄詩一首

愛廬吟

清楊暉撰暉字方泉劍川人嘉慶十一年歲貢生道光志已著錄
滇詩嗣音集方泉作方昶錄二首孟定謠一首邊地氣候之惡令人讀之栗然生畏

石南詩集

清曹樸撰樸字山民號石南趙州人嘉慶間諸生道光志已著錄
滇詩嗣音集作詩鈔非詩集錄十四首趙州志錄三首

竹友居士稿南院山人集

清楊元萃撰元萃字萬可號觀亭浪穹人嘉慶十三年恩貢生道光志已著錄

勁草詩鈔

清蕭鳳洲撰鳳洲字侶麟號香崖浪穹人嘉慶十五年大理府歲貢生道光志已著錄

臥廬文集詩集

清陳達撰達號臥廬宜良人嘉慶十七年歲貢生道光志已著錄
滇南詩選錄詩八首張履程稱其詩細意熨貼時露名雋滇詩嗣音集錄二首複岩泉寺月夜一首嗣音集題作岩泉寺無月夜
修業堂文集春圃詩集

清李重發撰重發字宏盛號培軒一號春圃鶴慶人嘉慶甲戌進士官新安縣知縣道光志已著錄滇詩嗣音集錄詩三首麗郡詩徵錄詩五首

介石山房初稿

清張從孚撰從孚字虛舟太和人太學生官縣丞光緒志已著錄
師範小停雲館芝言錄詩三十五首滇詩嗣音集錄四首
西峴詩集八卷

清戴家政撰家政字子政號有亭景東人嘉慶丙子舉人官湖南
知縣是書內分吾廬集師山集螻庵集停雲集毋自欺集彈劍集
六集七八則集杜試帖也滇詩嗣音集錄一首殆未見其全集滇
詩重光集錄一百七十八首

西園詩草一卷

清羅翰文撰翰文字西園呈貢人嘉慶丙子舉人官廣西直隸州
訓導是編各體俱備毘陵劉廷璧亟稱之眉批甚多家藏本尙未
付印

南廬詩文鈔

清王處禮撰處禮字未詳號南廬劍川人嘉慶戊寅舉人官蒙化
府教授麗郡詩徵卷數不悉文散佚詩徵錄詩一首

滇南名產贊一卷滇南百孝贊一卷

清徐敏撰敏字有功昆明人布衣寧州劉大紳爲之序

丹亭詩稿

清楊綽撰綽字丹亭太和人嘉慶戊寅舉人官昭通府教授道光
志已著錄

錢勛生詩鈔二卷

清錢履和撰履和字勛生昆明人嘉慶己卯舉人官安岳縣知縣
卒於任士民爲建祠曰留清亭滇詩嗣音集錄二十五首此二卷

多于役西藏時作

小山詩草

清趙桂撰桂字小山南寧人嘉慶己卯副貢光緒志已著錄

趙文恪公遺集二卷

清趙光撰光見前史部傳記類長才清望著於前代固不藉詩文以傳然文筆簡潔詩亦秀潤中年奉使之江所造益進光卒後嗣子廷璜刻於北平詩一卷雜文一卷後附自訂年譜山陰陳鵬又收得文恪手稿一卷乃仁和王文韶手校本一併補刻其詩文集收入雲南叢書

曉村詩鈔

清呂煜撰煜字亦昭南寧人歲貢生光緒志已著錄滇詩嗣音集

新纂雲南通志

卷七十七 藝文考七 滇人著述之書七

一〇

錄詩一首

昭文遺詩

清段煜撰煜字昭文晉寧人選拔時恆嗣子煜年未三十而卒五華院長劉大紳爲搜集而序梓之詩凡二十八首試帖二十一首賦一首後附五華同學友輓詩大紳撰墓碣殿於後滇詩嗣音集錄詩五首光緒志已著錄

眉仙遺著二卷

清王壽昌撰壽昌見前經部四書類有大學實踐全功道光志已著錄小清華園詩譚二卷前有自序又道光五年吳興戴鼎恆序後有門人曹倉跋雲南叢書收壽昌遺著二卷卷一自作詩卷二即詩譚詩開首有軟春詞三十首用上下全韻前有軟春詞自序

而詩譚之戴鼎恆曹倉序跋俱無且僅一卷叢書所收詩譚殆非完本壽昌軟春詞與帝京篇雅贍才華亦羅隱之流亞也可石齋文集一卷詩集一卷護珠草一卷

清尹讓撰讓字續盛號江村又號鶴汀浪穹人嘉慶間諸生道光志已著錄

悔庵詩鈔十卷

清李廷杰撰廷杰字翊清號悔庵寧州人由廩生貢成均咸豐滇亂與劉家達籌戰守以積勞由候選訓導加五品銜幼年從建水張履程同邑劉大紳遊詩學大進存詩自道光甲申始至咸豐辛酉止中間戊午詩缺同治甲子卒年七十八稿未刻家達爲撰墓誌稱其詩幾入韓柳蘇陸之室收入雲南叢書

雪園詩鈔

清楊森梅撰森梅字雪園劍川人諸生遊歷頗廣晚而歸隱師範爲之序麗郡詩徵錄詩一首

海鶴吟草

清張國憲撰國憲字子猷劍川人布衣麗郡詩徵錄詩二首

紅蕉吟館啓事一卷

清嚴廷中撰廷中字秋槎宜良人布政使煊子是書廷中柬答師友之尺牘也師如吳縣顧蕤友如歙縣鮑桂星掖縣翟云升武進湯貽汾海寧周樂清保山吳樹聲高密單爲總皆當日海內之負有聲譽者廷中與之往還其文采風流即此可見矣前有李岱霖序岱霖與廷中兒女姻婭時官平度州知州咸豐丁巳廷中遊平

度岱霖愛之爲付手民

聽月軒詩稿一卷

清楊美中撰美中字鶴樓雲龍人增生是書楊名颺有題詞

抱秋齋吟草二卷

清曹奚琬撰奚琬字瑤圃鶴慶人歲貢生奚琬於道光二年壬午借讀螺峯精舍習舉業刪存庚辰辛巳壬午之所作爲二卷又署曰螺峯集上下奚琬師劉大紳友李於陽以詩相切劘大紳於於陽所見之爲之序稱其才大氣雄時時作驚人語麗郡詩徵錄詩十七首

失愚齋集八卷

清楊淳撰淳見前子部儒家類是書光緒志已著錄滇詩嗣音集

新纂雲南通志

卷七十七 藝文考七 滇人著述之書七

一一一

錄詩十二首

爾雅草

清向雲翔撰雲翔姚州歲貢生光緒志已著錄

今吾詩集一卷

清嚴廷壽撰廷壽字子頤號湘澍宜良人監生煊子廷中弟是書存詩共九十三首古體僅三首餘皆近體才力不及其父兄亦時時有清新之句於放翁最爲相近

何文貞公文集二卷

清何桂珍撰桂珍見前子部儒家類是書爲涂宗瀛訪得屬桐城方宗誠歸入所編何文貞公遺書之一卷首有曾國藩爲昭雪請諡疏清史忠義傳國藩何君殉難碑記倭仁安徽寧池太廣道何

君墓表吳廷棟記何丹谿死事卷一疏七篇卷二序跋書九篇附錄吳廷棟唐鑑嚴仙舫詩及唐鑑撰其封翁輔龍公墓誌銘後有涂宗瀛跋光緒十年宗瀛爲刻行於世收入雲南叢書

劍湖詩草

清孫紹康撰紹康字晉侯宣威人道光辛巳舉人官劍川州學正光緒志已著錄

存存堂稿全集

清朱金點撰金點字品三一字麗川安寧人道光辛巳舉人光緒志已著錄演詩嗣音集錄詩三首

仙舫詩文集

清王佩璋撰佩璋字仙舫廣南人道光辛巳舉人光緒志已著錄

演詩嗣音集錄詩三首

虹橋遺詩一卷

清鄧學先撰學先字典于號虹橋蒙自人道光壬午舉人是書前有戴綱孫序後有同邑陸應穀跋學先早卒應穀友人曹馥堂蒐羅於其家得數十篇寄京師綱孫爲刪訂爲五十四篇稱其詩激揚抗厲變雅遺音應穀附刻於己抱眞書屋詩鈔後許印芳演詩重光集錄一首以未見爲憾雲南叢書由應穀集抽出刊爲專本味蒼雪齋詩選十卷

清楊紹霆撰紹霆字春聲太和人道光壬午進士官烏程縣知縣是書爲姚江呂承恩緝男勉校刊內分南來草仁湖草須江草菰地草等又補遺一卷末曰潯水聯吟演詩嗣音集錄十首

延暉閣詩集一卷

清黃耀樞撰耀樞永北人道光壬午進士官知縣光緒志已著錄
池司業遺集

清池生春撰生春見前史部地理類雜誌是書爲同邑倪懋禮編
刊詩古文凡二卷試帖律賦並纂入前有王拯撰廟碑呂璜撰墓
誌銘演詩嗣音集錄詩十二首光緒志已著錄

梅窗閒咏

清黨鱸撰鱸字化龍安寧人道光乙酉舉人官麗江縣教諭光緒
志已著錄

適所性齋詩集

清盛雯撰雯字霽亭保山人道光乙酉拔貢是書爲其門人吳樹

聲編次前有樹聲序未刻樹聲少子熙寶藏之晉寧方樹梅遊故
都搜滇中文獻熙付樹梅攜歸滇選入滇詩叢錄演詩嗣音集錄
一首殆未見其全集

雪樓詩鈔六卷

清馬之龍撰之龍字子雲號雪樓麗江回族諸生道光間目覩漢
回構隙甚深知相讎殺之不能免也諷其族變漢爲所斥而已獨
變之品概高潔以言事黜聘妻死遂不娶善吹鐵笛攜笛橐筆出
遊歷十三省歸老而卒與寧州劉大紳極相契吳學使存義重其
品學爲題其墓是書嘉慶甲子存稿始至道光丙申止共存詩五
百餘首卷六後附雪樓賦鈔一卷賦四篇道光十六年鋟木於省
城光緒志已著錄演詩嗣音集錄詩六首雲南叢書處選詩二百

零九首定名雪樓詩選前冠趙藩馬子雲先生傳編爲二卷收入叢書

即園詩鈔十五卷

清李於陽撰於陽始名鼇字占亭先世太和人自其父徙昆明遂占昆明籍所居室之東有隙地數畝種花蒔竹顏曰即園故以即園自號是書內分留刪草遊子吟詠花人草半閒吟愛日吟紫雲集秋聲錄味燈集續味燈集夢筆小草蒼華二集一蒼華二集二浣香吟倚紅軒瀋餘小草存詩自癸亥至辛巳前有劉大紳序二樂府瀋餘小草各自有序卷十四新樂府乃爲劉大紳服官山東德政而作戴綱孫稱其詩驚采絕艷奇氣橫溢於唐人中當與玉溪生杜樊川抗行滇詩嗣音集錄四十一首陳榮昌於其孫文煜

所得其版片補其殘缺皮於經正書院爲序冠於前道光志著錄名蒼華詩文集詩餘詩話外集偶編非最後定名詩餘詩話今未見是書已收入雲南叢書

山館偶存一卷

清華日來撰日來見前子部儒家類有山館學規一卷已著錄是書爲日來文集前有道光丁酉內江王果序稱其於詩序見先生之性情於鈔記見先生之孝思於論蠅見先生之處物於品梅見先生之無入不自得共文九首日來山居時所作道光丁酉與山館學規刊於四川內江光緒己丑男世熙重刻於粵西奉議州官廨

味雪齋詩文鈔二十八卷續鈔一卷

清戴綱孫撰綱孫見前史部地理類省府廳州縣志著有昆明縣志是書詩鈔十卷續一卷文鈔十八卷文鈔前有上元梅曾亮馬沅吳縣曹楙堅吳嘉淦曲阜孔憲彝晉寧何彤雲長洲陶樑序吳嘉淦題詞晉江陳慶鏞曹楙堅堅利王柏心漢陽葉名澧長洲蔣德馨寧州劉大紳評跋及自序始嘉慶癸酉迄道光己酉凡得文百六十五篇分甲乙兩集詩鈔十卷及身所刻續鈔一卷朱庭珍陳榮昌所刻許印芳稱其才高學博能爲古文兼工古今體詩在五華五子中足稱巨擘選詩一百三十五首入重光集光緒志已著錄收入雲南叢書

晚翠軒詩鈔四十五卷

清戴淳撰淳字古村呈貢人道光乙酉拔貢是書詩鈔八卷前有

錢塘陳鴻東吳吳慈鶴寧州劉大紳序及自序襄平蔣攸銛丹陵蔣祥墀題詞甥昆明黃琮跋及自跋續鈔八卷前有戴綱孫劉大紳序黃琮跋三鈔八卷前有昆明倪慎樞序及自序四鈔五鈔各八卷前均有自序漫稿五卷前有錢塘吳振械題詞總四十五卷存稿自嘉慶庚午至咸豐乙卯爲起止淳詩近陶韋振械稱其質而不枯淡而彌旨晚歲尤多讀書有得抱道自樂之言光緒志已著錄收入雲南叢書

蕉白山館詩文集

清段容恩撰容恩字樸庵安寧人道光丙戌進士官四川富順知縣光緒志已著錄

知蔬味齋詩鈔若干卷

清黃琮撰琮字象坤號矩卿昆明人道光丙戌進士歷官兵部左侍郎告養回籍掌教五華書院咸豐丙辰漢回構亂奉旨總辦團練同治癸亥正月逆黨馬榮等踞會城戕總督潘鐸琮聞變自經五華書院被燬琮所著書悉遭浩劫僅蜀游草四卷爲詩鈔之一已刊版於四川版雖燬而其書尙有存者許印芳滇詩重光集錄詩一百六十六首晉寧方樹梅得手稿一册詩共二百餘十首亦未全

古香書屋詩文集

清趙輝璧撰輝璧字藺如浪穹人道光丙戌進士仕終知縣光緒志已著錄滇詩嗣音集錄詩七首

南游草一卷

新纂雲南通志

卷七十七 藝文考七 滇人著述之書七

一七

清楊際泰撰際泰字平階昆明人道光丙戌進士官新昌縣知縣滇詩嗣音集錄詩一首

積風閣近作一卷味無味齋詩鈔二卷

清朱履撰履字丹木石屏人道光己丑進士官陝西布政使詩鈔前有固始蔣湘南昆明戴綱孫序男在勤重刻於錦城許印芳稱其詩超心鍊冶語羞雷同少作如干莫出匣光芒四射中年後雄渾蒼堅上追少陵昌黎下攬山谷遺山而拔戟成隊絕無明七子衣冠抵掌習氣手自訂稿至舍中駟取上駟僅存十之二三印芳收一百五十一首入重光集光緒志著錄詩鈔爲一卷收入雲南叢書名朱丹木詩集

澹初文鈔

清朱淳撰淳字瀛山石屏人道光己丑傳臚官金華府知府光緒志已著錄

西山詩稿

清袁瀛升撰瀛升一名襄武字仲文石屏人道光壬辰舉人滇詩叢錄錄三首

味道軒詩鈔慎思軒文鈔

清陳偉勳撰偉勳見前子部儒家類趙聯元謂偉勳躬行禮教居家孝友粹然儒者麗郡詩文徵卷數不悉文徵錄文七篇詩徵錄詩十六首

抱真書屋詩鈔八卷續刻一卷詩餘一卷

清陸應穀撰應穀見前子部術數類是書前八卷有昆明戴綱孫

掖縣李圖敬序綱孫謂其詩一以清俊爲宗興往如贈情來自答玉色珠光咳唾即是有香山之自然而無其俚得樊南之逸思而無其縛圖敬謂應穀以博通敏悟之資發溫柔敦厚之教出則宣朝章而陳民隱處則篤倫紀而述故舊得興觀羣怨邇遠之全旨前八卷爲道光甲辰以前之作刻於太原續一卷自甲辰迄乙酉之作附詩餘一卷刻於順天尹署重光集錄百九十一首已收入雲南叢書舊附詞未收選十八首入滇詞叢錄

鴻雪詩鈔二卷

清周之烈撰之烈字鴻雪太和人諸生是書續光緒志已著錄敬業堂詩文殘編

清楊喆士撰喆士字鑑開一字炯齋劍川人道光壬辰舉人官建

水訓導擢永昌教授麗郡詩徵錄詩三首
續漱石齋文稿二卷詩稿一卷

清董正官撰正官字鈞伯大理人道光癸巳進士官臺灣噶馬蘭
同知

廿我齋詩稿二卷

清尹藝撰藝字樹人號虞農騰越人道光甲午舉人同治六年與
賊戰死蠻東鵝腦山生平著有虞農文集十卷廿我齋詩集二十
卷李根源搜得詩二卷餘概付灰燼是書前有鄧川楊瓊同里寸
馥清李曰垓序根源傳後有趙藩跋上卷古體詩下卷近體詩收
入雲南叢書

赤城詩文集

清張爲緯撰爲緯字赤城石屏人道光甲午舉人光緒志已著錄
知白軒遺稿四卷

清楊景程撰景程字雪門鄧川人道光甲午舉人官鶴慶州學正
是書卷一二文卷三四詩前有沈壽榕王培心李澹王人文序後
又增丁振鐸王文韶史念祖序後附黃炳堃撰傳楊鈞鏗撰墓誌
銘男瓊刊景程文瑕瑜互見詩甲辰以後較爲蒼老

夢醒餘生草覆巢餘生草

清侯允欽撰允欽見前史部地理類省府廳州縣志是書前有自
序

交養軒遺集一卷

清金澤撰澤字潤之號麗川騰越人道光乙未舉人咸豐十一年

匪首蔡發春陷騰越死之生平所作詩十數卷刪存八卷悉燬於
難同邑李根源向澤曾孫克信克義歷年搜輯而得此卷爲刻於
吳門昆明王燦爲之序謂其賦性豪邁遇事敢爲故其爲詩真摯
刻露不尙雕鑿藻繪布帛菽粟俱有至理

偶寄軒文鈔硯北詩存

清楊麗拙撰麗拙字守園一字兌溪劍川人歲貢生麗拙博綜多
聞學宗儒先而亦兼涉二氏麗郡詩文徵卷數不悉文徵錄文十
篇詩徵錄詩四十一首

北垞吟草

清趙懷禮撰懷禮字允讓一字北垞劍川人諸生懷禮受學師學
博範範謂其茹古得髓自成馨逸麗郡詩徵錄詩二十一首

聽秋書屋詩稿五卷

清喻懷仁撰懷仁字近之南寧人道光丙申進士官羅源縣知縣
是書前有何紹基撰傳戴孫綱鄂恆序及自序綱孫有眉評滇詩
嗣音集錄詩十八首

欲寡過齋文集

清鄒澤撰澤見前子部儒家類致仕歸里主講育材書院是書多
見道之言

蕉雨窗詩草

清盛毓華撰毓華字西樓保山人道光丁酉舉人毓華詩筆俊偉
七律尤工方之袁文典可無愧色毓華遭無端慘禍撫其遺作令
人增喟

修竹齋詩集

清李杰撰杰字薌林浪穹人道光丁酉舉人光緒志已著錄
思過齋詩鈔十二卷

清蕭培元撰培元原名培英字質齋昆明人舉道光己亥鄉試第一咸豐壬子進士歷官翰林院編修詹事府贊善濟南府知府濟東秦武臨道署山東按察使多惠政山東請祀名宦培元爲詩主自抒性靈不依傍門戶而風格適上無靡曼之習作理語不涉於腐尤所謂有德之言歟官京師時鄉人之以試事入都者培元必親至其館慰勞之餘叩所素習並導以今所宜讀者何書宜精者何藝間日一至則索其所課者而觀之人咸惴惴時若嚴師之至多束身力學者其出而設施諸善政識者於此已覘其概矣讀其

詩可想見其爲人是書同治己巳其子應椿哀爲十二卷刻於山東前有匡源畢應辰李元華序已收入雲南叢書

寄秋軒稿

清牛燾撰燾字涵萬麗江人道光丁酉拔貢歷任鎮沅安寧鄧川羅平教官燾蓄一雷氏琴自譜新曲被之絃軫聽者移情同時邑人馬之龍善吹鐵笛有牛琴馬笛之目滇亂燾避山洞中抱琴而死麗郡詩徵錄詩七十二首

松坪詩文鈔

清李擎西撰擎西字松坪石屏人道光己亥舉人光緒志已著錄
草湖詩集

清張樾撰樾字樹堂晉寧人道光辛丑進士改庶吉士官辰州長

沙知府晉寧詩徵錄詩八首

知止齋詩集

清段登雲撰登雲字石谿太和人道光癸卯舉人光緒志已著錄
秋水軒詩文集四卷

清張慶麟撰慶麟字春堂安寧人道光癸卯舉人光緒志已著錄
雲軒詩文集

清趙廷樞撰廷樞字子密通海人道光癸卯舉人光緒志已著錄
履難吟

清舒藻撰藻字香谷昆明人道光癸卯舉人官均州知州是書昆
明華嶸評校前有蒙自湯箴衛序及自序後有華嶸跋

寄思軒詩稿三卷

新纂雲南通志

卷七十七

藝文考七

滇人著述之書七

一一一

清許懷綸撰懷綸字心竹石屏人道光癸卯舉人任彌勒縣訓導
思清筆秀勤於吟咏

璜溪詩集

清李士熊撰士熊號璜溪蒙自人道光癸卯舉人官安寧州學正
滇詩重光集錄詩十二首

消劫詩鈔

清李承蓮撰承蓮號鶴汀蒙自人道光癸卯舉人滇詩重光集錄
詩二十五首

仰山堂詩文集

清吳樹聲撰樹聲見前經部詩類

毋自棄軒遺稿

清華嶸撰嶸字藕船昆明人道光甲辰舉人五華書院監院同治元年燈宵之變叛將馬榮戕總督潘鐸於五華書院嶸奮前日逆賊敢戕總督行見汝碎屍萬段嶸并殺之是嶸之忠節早與日月爭光固不必賴著述而後傳也然讀嶸是書詮發經義以類相從非研究經學確有心得者不能爲之收入雲南叢書

牧鷗亦舫詩鈔

清趙瀚撰瀚字岱霖昆明人道光甲辰舉人是書內分耘硯集望杏集及情集盾墨集前有同治壬戌自序吳存義畢應辰羅書農題詞

鴻濛室詩鈔十二卷

清方玉潤撰玉潤見前經部易類有太極元樞等是書內分俯仰

集問天集江漢從軍集渡江集暫息集浮湘集桃花潭集湘帆再轉集望洋集北轍集房山集平舒集入關集隴上柝聲集存詩自道光庚寅至同治甲子爲起止咸豐辛酉春前集刻成於星沙同治甲戌夏後集刻成於隴州前有獨立蒼茫自詠詩小照自序劍川段紀序宛平王述先桐城張訓銘光州李孟羣沔陽蕭瑞琛樂山鄭莢光州李嘉樂善化湯守重昆明畢溥榮任邱邊長豫中江謝緒岷題詞吳興俞燿跋外有風雨懷人集未知刻否附此以備考

鴻濛室文鈔

清方玉潤撰玉潤見前經部易類是書已刻卷數未詳其二十四策當今名將傳殆文鈔中二種已刻入鴻濛室叢書

抱素堂遺詩七卷

清孫清元撰清元字亨甫一字仲初號菊君呈貢人道光甲辰舉人許印芳稱其才氣超邁童年已嫻吟咏長而博學多師摹古逼肖自成風骨始出結習參酌變化惜得年僅三十九而卒清元與燕人王述先交好述先許爲刻詩清元舉全稿千餘篇付之未校刊而清元卒述先轉餉浙江半道死家人捆載其稿而去今所存者其子楷與印芳所搜得前有南寧喻懷信序及楷序後有袁嘉穀跋嘉穀增詩六首印芳重光集錄一百二十三首光緒志著錄名抱素堂詩鈔大瓢山房詩存雲南叢書收入合孫清士吉人詩鈔名呈貢二孫遺詩

賡縵堂矢音集二卷詩集四卷文集一卷

新纂雲南通志

卷七十七

藝文考七

滇人著述之書七

一一四

清何彤雲撰彤雲見前子部雜家類有賡縵堂雜俎是書矢音集皆賡和御製之作許印芳稱其自少穎異年踰弱冠登第入翰林讀未見書而學大進咸豐初年供職內廷夙夜勤慎上有題詠勅使屬和每能稱旨恩遇日隆晉秩少司農未及大用而卒卒後新繁龍藏寺僧含澈爲哀輯而刻之前有李德儀含澈程祖潤序許印芳選一百三十二首入重光集光緒志已著錄收入雲南叢書按叢書所收其詩入重光集者皆刪而朱履黃琮戴綱孫等入重光集者又並收之殆審查者一人之私見而總纂未注意及之也

桐封詩稿一卷

清周紀賢撰紀賢字桐封蒙自人道光己酉舉人官貴州知縣殉

寇難詩筆俊偉忠義之氣歷久彌光

稻村詩稿

清王樹穀撰樹穀蒙自人道光己酉舉人雲南府教授詩多酬應之作

悔齋詩鈔四卷

清畢應辰撰應辰字星樓昆明人道光庚戌進士歷官監察御史應辰學問淹雅性情肫厚生於咸同之際以部曹持節關隴可謂極遭逢之盛而已略無矜驕意時當離亂兵革幾滿天下而侍御忠愛之心悲憫之懷觸處即發如杜陵入蜀以後諸作誠所謂詩言志者也其與友朋贈答之作亦俱卓然可傳昆明汪世澤爲之序而世澤與南州胡壽椿贛縣鍾秀宜黃秩冲都昌李乘時六合

周長森均有題詞是書已收入雲南叢書

坐花軒一卷

清李燮南撰燮南蒙自諸生詩尙老到用功亦勤惟喜用前人成句又多套句是其疵累耳

怡桂堂詩集

清尹紹陽撰紹陽蒙自人

課徒偶存

清楊逢春撰逢春蒙自諸生詩皆詠物

醉吟草六卷

清劉大容撰大容字雲門晚號醉吟先生寧州人大紳從弟四十始學詩即以大紳爲師溫厚和平如其爲人五言佳處時近韋孟

全集抉擇甚精意必經大紳點定者前有黃琮序及自序後有呈貢孫鍾所爲醉吟先生傳演詩嗣音集錄詩十四首

松溪詩集六卷鴻爪撫餘集三卷得一樓文集二卷

清張現撰現見前經部易類光緒志已著錄

聽松山房詩鈔一卷

清蔣義田撰義田永善人詩經許印芳點定

自愛室詩稿二卷

清蔡晉華撰晉華字函文號蓉湖道光丙午舉人官永善縣訓導光緒間任五華書院監院詩平適

槐蔭軒稿一卷

清王萬齡撰萬齡建水人

新纂雲南通志

卷七十七

藝文考七

滇人著述之書七

一一六

湖海詩文存

清陳徽言撰徽言見前史部地理類雜志有南越遊記武昌紀事已著錄自有傳麗郡文徵錄文二篇詩徵錄詩十首

袁慎夫先生殘稿

清袁謹

謹岑志作瑾

撰謹字慎夫順寧人咸豐辛亥順天中式舉人時集

鄉兵禦敵爲敵所得抗志不屈罵敵而死其節行之高足以增光演乘固不徒以詩文傳也其所著詩文多散佚邑人胡作霖搜得殘稿詩百餘首編爲二卷謹性情篤厚詞意纏綿深得詩人溫柔敦厚之旨殆所謂氣節文章兩擅其長者耶順寧縣志載謹遺稿有壽椿蘭江二集待梓今兩集皆不傳

南安秋吟一卷

清李澹撰澹見前經部易類是書五言近體百首則皆客南安州時因秋託事與物而寄興之作吟一題至百首難有佳章

小癡齋詩

清袁長森撰長森字寶書石屏人道光丁酉拔貢官四川知縣

白雲山房詩鈔二卷

清李開仁撰開仁字樂山恩安人古近體皆佳其感時紀事諸作可當詩史讀前有黎庶昌序孫清士跋男嘉瑞識其後

留春齋詩鈔

清楊昺撰昺字子光麗江人諸生昺爲本程比部之子少從昆明戴綱孫學工儷體文咸豐末麗郡公討悍弁張正泰檄文出昺之手一時傳誦詩多散佚麗郡詩徵錄詩二十首

寶笏堂詩文殘稿

清段生玉撰生玉字伯瑛一字潤山劍川人恩貢生官騰越廳學正麗郡詩徵錄詩四首

百泉詩草

清趙翰音撰翰音字荀林一字百泉劍川人諸生麗郡詩徵錄詩二首

雪山樵吟

清楊品碩撰品碩字大田麗江人恩貢生品碩爲詩自舒胸臆有擊壤集遺風摘句如雲影欲移山雨暗蘆聲先動水風涼碩石臥偏當要路癡雲飛不到他山書几淨無蠅至止瓶花香有蝶飛來疎林爭落葉陰石戀餘苔皆可誦也麗郡詩徵錄詩十五首

慎餘子詩鈔

清楊泗藻撰泗藻字杏泉麗江人歲貢生以軍功勞績敘獎同知
需次浙江權臨海縣卒於官麗郡詩徵錄詩二十五首

十笏山房詩稿

清王雋才撰雋才字佇廬劍川人諸生劍川舊志八景除三數徵
實外餘多涉虛渺雋才登涉之暇書其所見為詩八首一洗舊日
四言比目之習真實情景曲曲寫出足為山川生色麗郡詩徵錄
名勝詩八首

不休齋詩鈔

清陳士禮撰士禮字勵清一字復庵劍川人布衣士禮績學工詩
有內行生當咸同之際念亂憂時語無泛設麗郡詩徵錄詩十二

新纂雲南通志

卷七十七

藝文考七

滇人著述之書七

一一八

首

綠陰山館詩鈔衲中吟草

清何璵撰璵字蔚采一字冕亭劍川人諸生同治戊辰舉家殉難
贈雲騎尉祀昭忠祠麗郡詩徵錄詩六首

野史齋詩文存

清段從先撰從先字用之號野史劍川人歲貢生教育鄉里數十
年成就人才甚衆麗郡詩徵錄詩六首

南村吟草

清李蔭墀撰蔭墀字丹林一字雨亭劍川人麗郡詩徵錄詩五首
藏諸室稿

清張瑋撰瑋字蘊珍劍川人歲貢生麗郡詩徵錄詩五首

香雪齋詩稿二卷

清朱紱撰紱字芳田昆明人是書戴淳為之序滇詩嗣音集錄詩
五首

澗庵集

清熊濬士撰濬士昆明人是書隨手纂錄而成中有見道之處未
能通體精卓為可惜耳

三不朽齋詩文鈔

清何立言撰立言字蓋臣號石渠劍川人諸生以軍功獎敘縣丞
麗郡詩徵錄詩二十六首

小院山房詩草

清段克寬撰克寬字子容一字野庵劍川人歲貢生克寬與趙藩

相友善其稿經藩為之點定趙式銘誌其墓麗郡詩徵錄詩三十
六首

可繼堂稿

清王紹烈撰紹烈字克文一字承齋劍川人歲貢生歷官大理教
授保山他郎教諭麗郡詩徵錄詩四首

六梅山房雜著

清蕭品清撰品清字亦和劍川人同治間以軍功獎敘五品銜候
選府經歷而性靜情逸以書畫篆刻自娛家有老梅六因以名其

山房麗郡詩徵錄詩一首

鐵硯堂詩文集

清桑映斗撰映斗字沁亭麗江人諸生詩名噪當時其詩多散佚

光緒志已著錄滇詩嗣音集錄詩十八首麗郡詩徵錄詩六十四首

味秋軒詩稿

清桑柄斗撰柄斗字又舫亦字澹亭麗江人映斗弟布衣是書光緒志已著錄滇詩嗣音集錄詩一首麗郡詩徵錄詩二首

黃山老人稿

清楊仲魁撰仲魁字希元麗江人諸生麗江雪山下有黃山因以爲號是書未刻麗郡詩徵錄詩十七首

晴虹詩鈔

清趙廷玉撰廷玉字未詳太和人道光志已著錄滇詩嗣音集錄詩二首

映雪山房詩集二卷

清孫錫撰錫字禹疇南寧人官浪穹縣教諭敦品嗜學勤耽吟咏七律勝於五律

出塞吟草

清張偉彥撰偉彥字虹橋劍川人諸生麗郡詩徵錄詩三首光緒志著錄名出塞集

林臥偶吟

清陳鳴珮撰鳴珮字志楓號湘浦劍川人諸生麗郡詩徵錄詩三首

好古堂索居集

清楊仁偉撰仁偉字竹園劍川人增廣生工八分書性嗜詩是書

存詩自道光丁亥始至丁巳止共四十八首前有楊麗拙張維謙題詞羅緯爲之序其端麗拙與緯俱稱爲悼其嗣君之亡而作然不盡悼兒之作也麗郡詩徵錄詩五首

補過齋遺集二卷

清甘雨撰雨字潤之一字慰農姚州人官廣西州學正旋告歸疆臣嘉其學行純篤交章薦之而以教授終其身人尤高之及卒門人私謚爲誠正先生雨生平遺著多本躬行心得以爲言觀廉泉記韓氏愛廬記連河避兵記重建筆架山三丰祠記其艱貞大節可略見一斑三迤識者稱爲表裏純白之儒其子孟賢編爲二卷前列編輯瑣言八則後有孟賢書後文收入雲南叢書

知陋軒困學集一卷

清楊鳳昌撰鳳昌字星樓永北人是書文格雖不甚高其命意所在持論頗有見道處

蔚蘭堂詩鈔四卷

清劉中鶴撰中鶴字子仙文山人大耄勤學性情豪爽詩隨年力而進鴻爪集後格律老成晚宦畿疆稍有頹唐之作梅宛陵日課一詩中鶴殆似之其造詣亦同宛陵一派

紫卿遺稿

清王景羲撰景羲字紫卿山陰人寄籍昆明游刑名幕詩筆秀麗靜遠齋詩草

清余鍾俊撰鍾俊石屏人其詩古體老到近體流動

柳村集

清甘榮昌撰榮昌字泰交姚州人道光十三年歲貢生光緒志已著錄

菊花莊農詩鈔

清歐陽璫撰璫字元圃劍川人諸生光緒志已著錄

聊樂園詩鈔

清歐陽暕撰暕字代明劍川諸生光緒志已著錄

山夫詩草

清寇邦彥撰邦彥劍川人歲貢生光緒志已著錄

鶴舫遺稿二卷

清趙長年撰長年字其崧一字鶴舫劍川布衣光緒志已著錄

只可自怡齋詩文集

新纂雲南通志

卷七十七

藝文考七

滇人著述之書七

三二一

清朱庭碩撰庭碩字答生石屏人由副榜官南寧縣教諭庭碩少負俊才總督吳振械學使吳存義交重之袁嘉穀稱其詩五古生

辣律體亦佳

敦雅堂詩文集

清喻懷信撰懷信見前史部傳記類是書光緒志已著錄

旅憤吟一卷

清楊鳳昌撰鳳昌見前頁是書光緒志已著錄

聽青樓集十卷

清顧文彬撰文彬字東林河陽人貢生吳存義學使稱其詩境於

唐在初盛之間

塞外趨庭草一卷

清黃伯穎撰伯穎永北拔貢生光緒志已著錄
留鴻小草

清趙允隨撰允隨字漁村會澤歲貢生光緒志已著錄
夢梅書屋詩稿

清趙美著美字含章姚州諸生光緒志已著錄
菱藕柳窩叢山詩文集

清孫文撰文字漢峯呈貢諸生光緒志已著錄
晴軒詩草

清袁昶著昶字觀陽號晴軒順寧拔貢生光緒志已著錄
古味齋詩鈔

清戴澤溥撰澤溥見前子部術數類是書光緒志已著錄演詩嗣

音集錄詩二首

竹山居詩集

清鄒佩銘撰佩銘建水人佩南弟光緒志已著錄

杏園詩集

清任慶芝撰慶芝字庚圃石屏人太學生光緒志已著錄

賞心集詩古文十卷

清沈德奎撰德奎字月溪安寧人道光庚子舉人官騰越廳學正
光緒志已著錄

夔廷詩文集

清王昕撰昕見前子部雜家類是書光緒志已著錄

瞻雲閣詩集

清蘇霈芬撰霈芬字澤珊晉寧人道光己酉拔貢官江西星子峽江長寧龍南會昌興安東鄉信豐等知縣晉寧詩徵錄詩十四首諾齋文鈔

清丁坊撰坊字諾齋石屏人道光己酉舉人官昭通府教授光緒志已著錄

稻香野屋詩集

清鄒佩南撰佩南建水人是書光緒志已著錄

惺惺亭詩集

清段燕貽撰燕貽字輯亭號學山劍川歲貢生光緒志已著錄

級蘭吟詩草

清張藻鑑撰藻鑑見前子部雜家類光緒志已著錄

新纂雲南通志

卷七十七 藝文考七 滇人著述之書七

二二四

茗花館詩鈔

清孫清彥撰清彥字竹雅呈貢諸生官至貴州知府光緒志已著錄

益友堂詩文稿十卷

清楊樹聲撰樹聲劍川諸生光緒志已著錄

鳳岡存稿二卷

清吳桐撰桐字鳳岡寧州人是書共計古文四篇桐受學於浪穹王崧是書卷上駁郭子章論二甘誓湯誓泰誓牧誓辨卷下樂府詞曲考亦王崧說緯體也考搜羅駭博辨識解新闢駁論第二篇斷制允當有劉名世文廷銑吳怡曾勳垂王寶書向壁人楊高德王者香許維樑陳漢鎮嚴澤黃翰先王家軾趙運潛謝本崙諸人

評語前有楊高德序後有王寶書所爲傳

嶄然草

清林慶光撰慶光蒙自歲貢生詩多善寫亂離之象

交養軒遺集一卷

金澤撰澤字潤之號麗川騰越人道光乙未舉人咸豐辛酉回首
蔡發春陷騰越被執不屈死所著交養軒詩集十數卷刪存八卷
悉燬於難同邑李根源向其曾孫搜稿一百十二首刻入曲石叢
書王燦爲之序稱其詩真摯刻露不尙雕鑿藻繪布帛菽粟俱有
至理

月卿賸稿一卷

王家士撰家士字月卿騰越人廩貢生詩六十一首文十八首李

根源合劉桐軒遺稿合印爲桐月賸稿收入曲石叢書

聽濤軒詩鈔

魯大宗撰大宗字森亭元謀人歲貢生詩凡百零四首光緒辛丑
知縣朱毓崧爲之序大宗已沒木